

TE HEHEURAA API

EPERERA 1939

TE MAU API NO TE RAAU ORA

TE API PITI

IA faarahia te faaroo mau i roto i te aau o te taata, e tupu ia te mana'o e, E hara ta'na. Na muri rii a'e i te reira e tupu mai ia'na te hinaaro i te tatarahapa. E te huru o taua tatarahapa nei, o te otoraa ia no tei mairi, e te hinaaro ia haere afaro i mua. Ia tahoêhia teie na mea e piti, o te tatarahapa mau ia. Eita hoi te tatarahapa e farii-hia e te Atua, maori râ te tatarahapa mau. Noa'tu te hinaaro, te mana'o e te raveraa a te taata o te hinaaro i te vaiiho i te raveraa i te ino, e mea tia roa ia ia vaiiho-mau-hia te reira huru ohipa a rave ai oia i tei maitai. E mea tia ia faa-haehaa te taata ia'na iho e e haapao maitai hoi mai te reira taime mai â.

Na mua te faaroo mau; na muri rii te tatarahapa; e na muri rii a'e te bapetizoraa. No te taata o te hinaaro i te rave i te ohipa parau-tia, e tupu mai ia ia'na te hinaaro ia faa-orehia ta'na ohipa au ore i ravehia a'enei. E te bapetizoraa o te ravea ia e faaorehia'i te mau hara a te taata. *Ua parau atura Petero ia ratou, E tatarahapa, e ia bapetizohia outou atoa i roto i te i'oa o Iesu Mesia ia matara te hara.* O te iri-tiraa mai teie o te mau uiraa rahi no te hara, no te ora mu-re ore e te parau no te taraehara.

E nehenehe ia ia tufaahia te hara i na vahi e piti, oia hoi, te hara tumu e te hara tia mau. Te hara tumu, o te hara ia a Adamu raua o Eva, e to'na ra utua tei nia ia i te mau taata paatoa, i teie nei ao. Te hara tia mau, o te hara ia o te taata tataitahi, e tei nia ia ia'na iho. Ua ofati Adamu raua Eva i te ture a vai ai raua i roto i te Ô i Edene. Te utua no te reira, o te pohe ia, te pohe tino e te pohe varua. Te pohe

tino, o te faatua-ê-raa-hia ia o te varua e te tino. Te pohe varua, o te huriraahia ia mai mua'tu i te aro o te Atua. No te hara tumu, ia pohe to te ao nei e tia'i. Te vai ra hoi te paruru i ropu i te Atua e to te ao nei. No reira hoi te taata i rave ai i te ohipa ino, e no te reira i hara'i to te ao nei, e aita ratou i ite i te hanahana o te Atua. *E utua te pohe no te hara, aita te ora mure ore ra, e mea horoa-noa-hia mai ia e te Atua i roto i to tatou ra Fatu ia Iesu Mesia.*

Te ora mure ore, o te faaoraraa ia no te hopea o te hi'araa. E faatia-ana'e-hia te reira na roto i te faatiaraa i to te ao nei no roto mai i te pohe, e na roto i te tuuraa ia ratou i mua i te aro o te Atua. Ia na reirahia ia, i haere mai ai Iesu Mesia. Aita Oia i rave i te hara, no reira Oia i riro mai ai ei faaora no ratou o tei hara. Ua horoa Oia Ia'na iho i te pohe ia faatia Oia i te parau-tia mure ore, e ia faatia hoi te aroha i ta'na ohipa. Na Adamu te pohe; na Iesu Mesia te ora mure ore. Na roto i te hoê ohipa i tomo mai ai te pohe i roto i teie nei ao. Na roto atu i te tahi ohipa e tae mai ai te ora ia ratou atoa tei roto i te rima o te pohe. *Mai te taata i hope i te pohe ia Adamu, e hope atoa i te faaorahia i te Mesia.* E faatia-faahou-hia e e arataihia hoi i mua i te aro o te Metua Mure Ore, te mau taata atoa o tei fanauhia i roto i teie nei ao. Te taata maitai e te taata ino, te taata ma te faaroo e te taata ma te faaroo ore, te tane e te vahine, te taata apî e te taata paari, e tia faahou ratou paatoa no roto mai i te rima o te pohe. O te ohipa teie a Iesu no Nazareta, o tei haamanii i To'na ra toto ei taraehara e faaorahia'i to te ao atoa nei.

E hoê tufaa ana'e teie no Ta'na ra ohipa. Ua pohe Oia ei taraehara no te hara tumu e no te hara tia mau hoi, e ia riro Oia ei arai i ropu i te Atua e te taata. *E aore e toto i faatahehia ra, aita roa e faaoreraa hara; o te ture ia.*

Ua haamaniihia To'na ra toto no te mau hara a to te ao paatoa nei. Ua faaore-mau-hia te hara tumu ia ore ia ia vai â i nia iho i te taata nei. Ua faaore-atoa-hia te hara tia mau, mai te mea e, e haere afaro te taata na nia i te e'a parau-tia. Aita to te taata e hoê tufaa i roto i te raveraa i te hara tumu, maori râ o Adamu raua Eva, no reira, eita to te ao nei e tauturu i te faatiaraa i te ora mure ore. Aita te pohe i tae mai i roto i teie nei ao na roto i te raveraa o to te ao nei, e no reira, eita hoi te pohe e rave-ê-hia e ratou. Eita ia e tia

ia rave
no te k
sia iâ i
taata t
haapac
ra ta I
tahi m
roto ia

E te
na roto
re ore
Mesia
ori râ
te tata
e i mu
roahia'
te tata
ra na t
Mesia

E tu
raa, o t
faaroo
ma te
i roto i
Maitai
bapetiz
tia'i. I
petizo
Te vai
Hoê ho
tahi at

Te ta
oia i te
ture e
te pape
veraa i
pohe o
e hun
i roto i
te ora

ia rave to te ao nei i te hoê noa iho mea ia faaorahia ratou no te hara tumu. Na Adamu te hara tumu i rave. O Iesu Mesia iâ ia o tei riro ei taraehara no te hara tumu. Ia rave râ te taata tataitahi i ta'na iho mau hara, e mea tia roa hoi ia ia haapao oia i te mau ture e noaa'i ia'na te î-raa o te taraehara ta Iesu Mesia i rave no to te taata iho nei mau hara. E te tahī mau ravea e noaa'i taua haamaitairaa ra i te taata, na roto ia i te faaroo, te tatarahapa, e te bapetizo.

E te faaroo o te faaora i te taata nei, no ô mai ia i te Atua, na roto i To'na Tamaiti, no te mea te tae mai nei te ora mure ore no ô mai i te Atua, na roto i te Tamaiti. Ua pohe te Mesia no to te ao atoa nei, no reira, aita'tu â hoi e i'oa, majori râ o To'na i'oa, e ora'i te taata. Na roto i te haehaa e te tatarahapa, e arataihia'i te taata i te haapao-maitai-raa, e i muri rii a'e e bapetizohia'i oia. E te reira te ravea e horoahia'i te taraehara a te mau hara i te taata o te faaroo ma te tatarahapa mau. E ua noaa taua taraehara a te mau hara ra na te taata iho nei na roto i te haamaniiraa i te toto o te Mesia o te riro ei mono no te toto no te taata hara.

E tufaa hoi te bapetizoraa no te evanelia. E te bapetizoraa, o te faahopu-mau-raa ia, i raro i te pape, o te taata tei faaroo e tei tatarahapa. Ia ravehia taua oroa ra e te taata ma te mana no ô mai i te Atua ia tia ia'na ia rave i te reira i roto i te i'oa no te Metua, e no te Tamaiti, e no te Varua Maitai. Ua tia roa taua raveraa ra i te vai-tia-man-raa o te bapetizoraa. Ia faaroo e ia tatarahapa te taata na mua e tia'i. Ia horoahia te mana Atua i nia iho i te taata o te bapetizo i te taata e tia'i. Ia faatia-mau-hia hoi te oroa e tia'i. Te vai ra te hoê noa iho huru bapetizoraa, mai tei papaihia, *Hoê hoi Fatu, hoê faaroo, hoê bapetizo*. E mea au ore roa te tahī atu â mau huru bapetizoraa, e e mea tia ore ho'.

Te taata hara o te faaroo e te tatarahapa i tei ino, e fafau oia i te Atua, e faaore oia i te ino e e haapao i Ta'na mau ture e Ta'na mau faaueraa. I reira, e arataihia'i oia i raro i te pape e te taata o tei haamanahia e tei faatoroahia no te raveraa i te reira ohipa i tei'oa o Iesu Mesia. E, no te mea e, ua pohe oia e ta'na ra mau hara tahito na roto i te tatarahapa, e hunahia oia, e to'na ra ora tahito, na roto i te faahopuraa i roto i te menema pape. E i reira, e faatia-faahou-hia oia i te ora apî, na roto i te fanauraa i te pape, e e tia ia oia i nia

i te ao nei ei taata apî i roto ia Iesu Mesia. Ua mâ oia i mua i te Atua. Ua viivii ore oia i te hara mai te aiû fanau apî te huru. *Ia uteute roa tu outou mau hara ra, e riro ia mai te hionona: e ia uraura noa'tu mai te faai'o ra, e riro ia mai te vavai ra i te teatea.* Ia oti te baptizoraa, ua au te taata i taua parau ra no roto mai i te Bibilia, e ua ineine oia ia haere â na nia i te e'a titiaifaro e te pirihaio e tae ai i te ora mure ore. Inaha, ua i roa oia i te oaoa. Tei ia'na te hau nehenehe roa'tu. Te anaana nei te viivii ore i to'na huru paatoa ra. Ua tomo ia oia na roto i te uputa i roto i te aua mamoe, e ua riro oia ei hoê i roto i te nânâ a te Mesia ra. Ua faatia-mahia oia i ta'na ra mau hara e te mau mea ino. Ua roaa ia'na te tiamâ o te evanelia. Mai te reira'tu taima e riro oia ei tavini ana'e no te Arii o te mau Arii, e ei faehau no te sa-tauro.

Tei mua râ ia'na te hoê tama'i rahi e e tamata noa te rei-ra i te haavi ia'na. Area râ, na roto i te puai o te tino, te opuaraa o te aau e te mana'o afaro roa e vai â oia i te tiamâ. No to'na haereraa'tu no roto mai i to te ao nei, e riri e e ha-mani ino ratou ia'na. Eita te i'o o to'na ra tino e au maitai i to'na ra varua o tei faaarahia. E Satane, te enemi rahi o te mau tamarii no te maramarama, e imi noa oia, e ta'na ra mau nuu, i te mau ravea atoa no te faahemaraa e te aratai-ê-raa'tu i te taata no roto mai i te e'a e tae mai ai te ora mu-re ore. E vai râ te Atua i pihaiho ia'na, ia haapao maitai oia i ta'na mau fafau ta'na i fafau i to'na ra baptizoraahia. Ia na reira oia, e haavi ai oia i te mau mea ino atoa, e e noaa ia'na te i-raa e te mau haamaitaia atoa no o mai i te ta-raehara i faatiahia e te Faaora aroha e te viivii ore. E riro hoi Oia mai te reira'tu â taima ei Fatu herehia na'na ra.

*Papahia e C. W. Penrose, te hoê Aposetolo
Faaauhia ei reo Tahiti e K. R. Stevens
Peresideni Misioni*

Inaha râ, ia tae i te mau mahana hopea ra, i te mau mahana o te Etene; inaha, e taero te mau nunaa atoa o te Etene, e te ati Iuda atoa hoi o te tae mai i nia iho i teie nei fenua, e o te parahi hoi i nia iho i te mau fenua eê ra, oia hoi te mau fenua atoa o teie nei ao, e taero ia i te parau-tia ore, e te mau ohipa faufau atoa ra.

II Nephi 27:1.

T

1. E
2. U
3. U
4. E
5. E
6. E
7. E
8. U
9. E
10. E

Ua m
i nia ne
te mau

Me 7

Me 14

Me 21

Me 28

Te

te fau

TE PARAU AUTAHU'ARAA

No te Ava'e ME

TE MAU TAATA TUIROO O TE
FAUFAA TAHITOA FAATANO I TEIE MAU UIRAA I NIA I TE
MAU TAATA'TOA E HAAPIIHIA

1. E peropheta anei oia ?
2. Ua tohu mai anei oia i te tahi mau tohuraa ?
3. Ua tupu anei ta'na mau tohuraa ?
4. Eaha te huru o to'na maitiraahia ?
5. Eaha te mau ohipa i faataahia na'na ?
6. E mea tia anei to'na raveraa i ta'na ohipa, e a ore râ, aita anei ?
7. Eaha te tumu i na reira'i oia ?
8. Ua mauruuru anei te Atua ia'na ? No te aha ?
9. Eaha te rê i roaa ia'na ?
10. Eaha te faufaa rahi no to'na ora ?

Ua maitihia teie mau irava i raro nei ia roaa te pahonuraa i te mau uiraa i nia nei. No reira a tai'o maitai outou i te reira ia tia ia outou ia pahono i te mau uiraa. Ia ui faaoti roa hoi te orometua i te mau uiraa i papaihia.

Me 7. IONATANA. I Samuela 18:1-4; 18:1-7; 20:30, 31; 23:16-18; II Samuela 1:22-27.

Me 14. DAVIDA. I Samuela 16:11-13; 17:34-58; 18; 19; 20; II Samuela 5:1-5; 11; 12:1-24; 23:1-7; Te Mau Arii I, 2:11; Ezekiel 34:23, 24.

Me 21. SOLOMONA. II Samuela 12:24; Te Mau Arii I, 2:1-4; 3:16-28; 4:29-34; 6; 9:1-7; 11:1-13; I Paraleipomeno, 23:1; II Paraleipomeno 1:9-12.

Me 28. Hi'opoaraa.

Na Te Mau Maapii

Mahaere na te Mau Utuafare

ME vai nei te tahi mau titaauraa i rotopu i to te ao nei i teie nei taime ei tamataraa ia tatou ia roaa mai te faufaa no roto mai i te aore. Eita e tia i te tahi mau taata

(a hi'o i te tuatiraa i te api 60)

TE SOTAIETE VAHINE TAUTURU

No te Ava'e ME

Irava tamau aau: Ohipa 2:38-39

Ua parau atura Petero ia ratou, E tatarahapa, e ia bapetizohia outou a-toa i roto i te i'oa o Iesu Mesia ia matara te hara, e horoahia mai ia te Varrua Maitai ia outou. No outou hoi tei parauhia maira, e no to outou tamarii, e no te feia atoa hoi i te atea e ra, ta te Fatu ta to tatou Atua e parau atu.

Me 4. O te mahana iritiraa mana'o teie.

Ia maiti-atoa-hia na tuahine no te hahaere i te mau utua-fare ma te haapii haere i te parau tei papaihia i te Luka 6:37-42. Te na o maira te tai'oraa e, *Eiaha e faaino atu, e eita outou e faainohia mai; eiaha e faahapa'tu, e eita outou e faahapahia mai: e faaore atu i te hara, e e faaorehia mai ta outou: e horoa, e e noaa hoi ta outou; e i te faito, e neneihia, e ueuehia, e manii noa'tu, na te taata e ninii i roto i to outou ahu. O taua faito hoi ta outou e faito ra, o te faito-faahou-hia mai ia ta outou. Eaha hoi oe i hi'o ai i te pāpaa iti i roto i te mata o to taeae, aita hoi oe i ite i te raau rahi i roto i to oe iho mata? E eaha oe e tia'i ia parau i to taeae, E tau taeae, ho mai na'u e iriti i te pāpaa iti i roto i to mata na: aore hoi oe i ite i te raau rahi i roto i to oe iho mata? E tera ra haavare e! e mata na i te iriti i te raau rahi i roto i to oe iho mata, ei reira oe e ite maitai ai ia iriti i te pāpaa iti i roto i te mata o to taeae.*

Me 11. E faaite mai na tuahine hahaere i te huru o ta raua hahaereraa.

Aita ta te mau Aposetolo a te Fatu e ite papu i te auraa mau o Ta'na ohipa i teie nei ao. Ioane 14:9; Luka 9:13; Mataio 16:14, 21-23.

Me 18. Te ite-papu-raa-hia o te chipa a Iesu Mesia, e te tino ahuru ma piti, i muri a'e i To'na tia-faahou-raa. Ohipa p. 2.

Me 25. E faarirohia teie mahana ei mahana raveraa ohipa.

TE FEIA API.

No TE AVA'E ME

Te fa
mai tei
setolo, t

Ua
topu i
e, ua
horoa
to rato
nei ao
pipi, e
o te A

E u
peroph
e ei or
te para
rarahi
na te t

Na n
9:1-6)
ua haa

Pere
tou i t
moteo
metua

Ia a
lo, e fa
auhia
tino, ia
ia par
12:13-

Te M
nafa ta
setolo?
5. Na va
Ekalesia
te auraa

Te faaroo nei matou i te tuuraa o te mau toroa i roto i te Ekalesia nei, mai tei tuuhia mai i roto i te Ekalesia i mutaa ihora; oia hoi, te mau aposetolo, te mau peropheta, te mau orometua, te mau haapii e te mau tauturu.



TE EKALESIA I MUTAA IHORA

Te Mau Uiraa: 1. Na vai i faatia ta Iesu Ekalesia i te matamua ? 2. I nafea taua Ekalesia ra i faatiahia'i ? 3. No hea mai te mana o te mau aposetolo ? 4. E mea tia ia farii te taata i te mana o te Atua na roto i te aha ? 5. Na vai i maiti te mau hitu ahuru ? 6. Eaha te huru o te faatiaraa o te Ekalesia mau a te Fatu ? 7. Ua faaauhia te Ekalesia i te aha ? 8. Eaha te auraa o te parau i papaihia i roto i te I Korinetia 12:21 ?

*Haapiiraa Piti No Nia I***TE TAIVARAA**

E tupu oioi noa teie uiraa i roto i te taata o te imi nei i te parau mau: *Te vai noa ra anei te mana, te faatiaraa mau o te Ekalesia, e te mau toroa mai te tau o te mau aposetolo e tae roa mai i teie tau?* Ia imi tatou i te pahonuraa i teie uiraa na roto i te (1) mau tohuraa e te (2) mau tupuraa.

Te Mau Tohuraa: I roto i ta'na episetole piti i to Tesalonia, ua faaitoito Paulo i te mau taata i te parau e: *Ia ore to outou aau ia auene vave, ia ore ia hitimaue*, ia faaroo ratou e, e mea fatata te mahana o te Mesia ra. *Eiaha roa outou e vare i te taata atoa; o te taiva te tupu na mua e tae ai i taua mahana ra.* (II Tesalonia 2:3) Ua papai hoi oia ia Timoteo i te parau e: *Te vai atura hoi te tau e ore ai ratou e farii ai i te parau mau, no te anoenoe o to ratou tari'a, e haaputu ia ratou i te orometua i au i to ratou iho hinaaro; e fariu e hoi to ratou taria i te parau mau, a opai tia'tu ai i te fabula.* (II Timoteo 4:3-4)

Ia taio atoa tatou i te mau tohuraa no te taivaraa i roto i te Isaia 24:1-6; 29:9-13; Amosa 8:11, 12; Mika 3:6-12; Ioane 16:2, 3; Ohipa 20:29, 30; II Petero 2:1-3.

Te Mau Tupuraa: Ua tupu anei teie mau tohuraa? Oia hoi, ua taiva to te ao nei i ta Iesu Ekalesia? Ua *horo hoi te taata i te tahi miti i te tahi miti; e mai te apatoerau e tae roa'tu i te hitia o te râ i te hororaa e te ho'iraa mai, i te imiraa i te parau a Iehova, e ore roa râ e itea?*

E mea tia ia faaroo tatou e, hoê â to Iesu Ekalesia huru mai i mua mai â. Tera ra, na muri a'e i te poheraa o te mau aposetolo ua tauhia te huru o te bapetizoraa e te mau oro'a, e ua moe roa te mana e te Ekalesia mau a te Fatu, no te mea e, *ua hapa ratou i te ture ra; ua ruri-ê-hia e ratou tei haapao-hia ra; ua pi'o ratou i te faufaa haapao-tamau-hia ra.* (Isaia 24:5)

Te Mau Uiraa: 1. Eaha ta Paulo parau i to Tesalonia? 2. Eaha tei tupu na mua i te tae-piti-raa mai o te Mesia? 3. Eaha ta Paulo parau ia Timoteo? 4. "E haaputu ia ratou i te mau orometua ia au i to ratou" aha? 5. No te aha ratou i na reira'i? 6. Ua tauhia anei te huru o te Ekalesia mau? 7. Ua faahuru-ê-hia anei te Ekalesia ta Iesu i faatia i te matamua? 8. No te aha te Ekalesia mau a te Fatu i moe ai?

Ua
te fare

Hi
hi i te
nei: n
raa ei
hi i te
atoa,
mau o
i te pii
ite A
na; ua
araa r

Daniel
Atua
roa ho

Ua
teie ia
Fatu i
tau ho
nelia i
tolo e
orehia

Te
mau n
mai.
i te fe
ra'i m

Te M
mai?
teEvan
rau ma
mai''?

*Haapiiraa Toru No Nia I***TE FAATIA-FAAHOU-RAA O TE EKALESIA**

Ua tupu ê na te mau tohuraa e ua *faatiahia te mou'a ra o te fare o Iehova i nia i te tupuai mou'a.* (Mika 4:1, 2) Ua tae

Hi'o atura vau i te hoê melahi i te maueraa na ropu i te reva nei: ma te evanelia e tia i te vairaa ei pororaa'tu i te feia e parahi i te ao nei ra, i te mau fenua atoa, e te mau nunaa atoa, e te mau opu atoa, e te mau reo atoa, i te pii-hua-raa te reo e, A mātā'u i te Atua, e faahanahana'tu ia'na; ua tae hoi i te hora faautu-araa na'na ra.

Apokalupo 14:6.

mai te melahi ta Ioane i ite i roto i ta'na orama, e ua afai mai hoi taua melahi i te Evanelia i rave-ê-hia na. E teie nei te piro-haere-hia nei te "parau apî" no taua Evanelia a Iesu Mesia ra i to te ao atoa nei, *ia ite te mau fenua atoa: o te hopea i hora ia i reira ra.* (Mataio 24:14) O te "parau apî" ia o te basileia i itehia e

Daniela: *Ia tae i te anotau o taua mau arii ra, e faatupu ai te Atua o te ra'i ra i te hoê basileia, o te ore roa ia e mou, e ore roa hoi e riro ia vetahi ê.* (Daniela 3:44)

Ua faaho'ihia mai te Evanelia mau a te Fatu ia vai? O teie ia te pahonuraa, ua faaho'ihia mai te Evanelia mau a te Fatu ia Iosepha Semita, e peropheta o te Atua ora i teie anotau hopea nei. Ia na reirahia ia e tia'i, no te mea aita te Evanelia i vai tamau noa i te ao nei mai te tau o te mau apose-tolo e tae roa mai i teie nei tau. No te taivaraa rahi i faa-orehia'i te Evanelia e i ravehia'i te mana o te Atua.

Te na ô mai nei te Salamo 85:11 e, *E tupu mai te parau mau no roto i te fenua, e hi'o mai hoi te parau-tia mai te ra'i mai.* Ua tupu hoi teie tohuraa, e taua parau mau no roto mai i te fenua ra, o te Buka a Moromona ia; *te parau-tia mai te ra'i mai, o te mau heheuraa ia ta Iosepha i farii.*

Te Mau Uiraa: 1. Ua ite Ioane i te aha? 2. Eaha ta te Melahi i afai mai? 3. No te aha te Evanelia i faaho'ihia mai ai? 4. Ua faaho'ihia mai te Evanelia ia vai? 5. Te ahabia nei te Evanelia nei? 6. Eaha te "parau mau" tei tupu no roto i te fenua? 7. Eaha te "parau-tia mai te ra'i mai"? 8. Na vai teie mau parau i tohu?

*Haapiiraa Maha No Nia I***TE EKALLESIA I TEIE TAU**

Eaha ia te huru o taua Ekalesia a Iesu Mesia i faaho'ihia mai ra i teie mau mahana hopea nei? O teie ia te pahono-raa, aita e vahi huru e i teie Ekalesia nei e te Ekalesia ta Iesu i faatia i te tau tahito.

Te I'oa: O Iesu iho te upoo o ta'na Ekalesia, e no reira, ia topahia to'na i'oa i nia i te reira e tia'i. I roto i te mau tau ua parauhia te mau taata o te Atua e, *Te Feia Mo'a*. (Ephesia 4:12; I Korinetia 14:33; Roma 1:7) E parau-atoa-hia te mau taata a te Atua *Te Feia Mo'a* i te tae-piti-raa mai o te Mesia. *Ia tae i te mahana e tae mai ai oia ra, ia faa-teiteihia oia e to'na feia mo'a, e ia umerehia e te feia atoa i faaroo ra.* No reira te Ekalesia i parauhia'i e, **TE EKALLESIA A IESU MESIA I TE FEIA MO'A I TE MAU MAHANA HOPEA NEI.**

Mana: O te Autahu'araa, o te mana ia i horoahia mai e te Fatu i te taata nei, ia tia i te taata ia mono ia'na i nia i te ao nei, e aita e tia i te taata ia rave i te ohipa i roto i te i'oa o te Fatu, maori râ, e mana to'na. Te vai nei na Autahu'araa e piti i roto i te Ekalesia; o te Autahu'araa Rahi ia te hoê, e o te Autahu'araa Iti ia te tahi. Ua faaho'i mai te hoê ve'a, o Ioane Bapetizo to'na i'oa, i te Autahu'araa Iti no ô mai i te ra'i, ia Iosepha Semita raua o Olive Taudere na roto i te tuuraa o te rima; e ua faaho'ihia mai hoi te Autahu'araa Rahi ia raua ra e na ve'a tootoru, oia hoi, o Petero, Iakobo e Ioane. E mai te reira taime (matahiti 1829) mai â te vai noa ra te mana i roto i te Ekalesia, e te horoahia nei te reira na roto i te tuuraa o te rima.

Te Mau Toroa: Te vai nei te mau toroa i roto i te Ekalesia o te vai ra i te tau tahito, oia hoi, te mau peropheta, te tino ahuru ma piti aposetolo, te mau hitu ahuru, te mau peresibutero, te mau episekopo, te mau haapii, te mau diakono e te mau tauturu.

Te Mau Uiraa: 1. O vai te i'oa mau o te Ekalesia i parau-noa-hia e, te Ekalesia Moromona? 2. Ua parauhia to te Atua mau taata i teihea i'oa? 3. No te aha e tia'i ia parauhia te Ekalesia a Iesu Mesia i to'na iho i'oa? 4. Eaha te Autahu'araa? 5. E hia Autahu'araa e vai nei? 6. Ua farii Iosepha raua o Olive i teihea Autahu'araa? 7. I teihea matahiti raua i farii ai i taua na Autahu'araa e piti ra? 8. Eaha te mau toroa i roto i te Autahu'araa?

O Ios
na ama:

Me 7

Me 14

Me 21

Me 28

E tau
mau ai :

Me 7

Me 14

Me 21

Me 28

E teie
outou ia

Me 7

Me 14

Me 21

Me 28

HAAPIIRAA SABATI

No te Ava'e ME

PUPU PARAIMERE

Irava tamau aa: *Genese 49:22*

O Iosepha ra, e ohi hotu ia, e ohi hotu i te pu o te pape ra; o tei toro to'na amaa na nia iho i te aua ra.

Haapiiraa

Me 7. Mai te fenua Kanaana mai i te fenua Aiphiti. *Genese 45:25 e tae noa'tu i te 50:26.*

Me 14. Te aiû nehenehe i itea i nia i te hoê anavai. *Exodo 1:1 e tae noa'tu i te 2:22.*

Me 21. Te hoê reo mai te auahi i ropu i te hoê pu aihere. *Exodo 3:1 e tae noa'tu i te 4:31.*

Me 28. Hi'opoaraa.

PUPU PITI

Irava tamau aa: *II Nephi 7:7*

E tauturu mai â te Fatu ra te Atua Ia'u: e ore ai au e haama'i; e i haamau ai au i tau mata mai te ofai ra; ua ite hoi au, e ore au e haama.

Haapiiraa

Me 7. Te mau haamaitairaa i horoahia e Lehi. *II Nephi pene 4.*

Me 14. Te taa-ê-raa o Nephi e to'na na tuaana. *II Nephi pene 5.*

Me 21. Te mau tohu i tohuhia e Nephi. *II Nephi pene 27.*

Me 28. Hi'opoaraa.

PUPU TORU e te MAHA

Irava tamau aa: *Helamana 15:1*

E teie nei, e au mau taeae here, inaha, e parau atu vau ia outou, ia ore outou ia tatarahapa, e riro to outou mau fare i te faaanohia no outou.

Haapiiraa

Me 7. Te hoê tohu ta Samuela i faaite atu. *Helamana p.15.*

Me 14. Aita ta Samuela parau i fariihia. *Helamana p.16.*

Me 21. Te faatiaraa o ta Samuela i tohu. *III Nephi p.1.*

Me 28. Hi'opoaraa.

HAAPIIRAA PARAIMERE

No te Ava'e Me

Irava tamau aau: *Mataio 18: 14*

Oia atoa to outou Metua i te ao ra, aore ia i hinaaro e ia moe te hoê i teie nei mau taata rii.

Na Te Mau Haapii
Mahaere Na Te Mau Utuafare

(e tuatiraa no te api 53)

ia haere mai e eiâ i te moni no roto mai i to tatou mau pute, area râ, te vai ra te mau ravea e eiâ'i ratou i ta tatou moni. O teie ia. Ia faaroo outou i te mau taata o te parau mai e, a hoo mai oe i te mau titeti no te tavoriraa, e te tahi atu â mau ravea mai te reira te huru, a haamana'o outou i teie parau paari. E rave rahi te mau taata o te tuu i ta ratou moni i roto i te reira mau ravea mai te mana'o e, e roaa mai paha ia ratou te rahiraa o te moni i tuuhia i roto ra. A haamana'o ra outou e, eita e tia ia roaa te reira moni ia outou tataitabi. E mea papu roa ia, ua faaruehia ta outou moni ia tuuhia ia i roto i te afata. E ere anei ia i te mea maitai ia tapea i te moni na outou iho no te hoora i te ahu, te maa, e te tahi atu â mau mea i hinaarohia i tera taime e i tera taime. Ia tapeahia e ia amuihia te moni ta outou e opua nei i te tuu i roto i te afata, e maere ia outou i te rahi o te reira. E e rave rahi te mau mea faufaa rahi e roaa ia outou ia hoo mai i taua moni ra. O te hoê mau faahemaraa teie a te diabolô. E ere ra ia i te hinaaro e te ohipa a te Atua ia na reira outou. No reira, a haapao outou i ta outou mau moni, peneia'e o te rave-ê-hia te rahiraa o ta outou moni e te mau taata eiâ.

E te tumu o taua parau-ino nei, tera ia, e mana rahi to Sātane i te faaitoitōraa i te taata i te rave i te mau huru ohipa ino atoa ra, e i te faateiteiraa ia ratou i te teoteo, e i te faatupuraa i roto ia ratou i te mana'o imi mana, e te toroa, e te tao'a, e te mau mea faufaa ore o teie nei ao.

III Nephi 6: 15.

Te Ture No Te Viivii Ore

AITA'TU e faaueraa, tei taatihia i te evanelia a Iesu Mesia, tei hau atu i te rahi, te tura e te mo'a, e te tia i te taata ia haapao ia noaa ia'na te oaoa mure ore, maori ra te ture no te faaipoiporaa. Area ra, aita'tu e faaueraa tei hau atu i te faainohia e te faahapahia e te mau taata ino e tae noa'tu i te tahi mau feia tei haapeu ite, i te faaueraa o te faaipoiporaa.

Te faaipoiporaa, o te hoê ia oro'a tei hau atu i te fifi ia haapao mau-hia. E mea tia ia fariihia te reira na roto i te varua faaoromai e te here e tae noa'tu i te here te noaa mai na roto i te mana o te Varua Maitai. Aita'tu e mea te faaineine i te taata no te hanahana i roto i te basileia o te Atua mai te haapao maitairaa i te faaipoiporaa. Peneia'e, na roto i taua parau faaau ra, ua hau atu to tatou haapao raa i te hinaaro mau o te Atua, area ra o te hoê ia o te mau parau faaau tei titaubhia i te taata tei hinaaro i te haapao i te mau hinaaro o te Metua.

Te faaipoiporaa, o te tumu ia no te mau haamaitairaa tei hau atu i te rahi.

Mai te mea ua farii mau-hia oia, e riro te reira faaauraa ei ravea no te oaoa rahi mau. Te hanahana rahi i roto i te oraraa nei e i roto i te oraraa e haere mai nei; te hanahana, te mana, te puai i roto i te here, o te mau haamaitairaa te noaa na roto mai i te reira. Ua tapeahia te reira mau haamaitairaa no te hanahana mure ore no te feia te hinaaro i te tapea i te reiraa faaauraa e te mau faaauraa atoa tei amuihia i roto i te evanelia. Eita tei ore i haapao i te reira e haamaitahia; te faaipoiporaa ra, o te oro'a ia tei hau atu i te rahi e te faahiahia i te mau oro'a tei tuubhia i roto i te evanelia. O te reira tei tapeahia e te Atua no te feia te riro ei tamarii Na'na ra; area te toea ra e mau tavini ana'e ia, noa'tu e ua roaa ia ratou te ora. Eita ratou e riro ei mau melo no te utuafare no to tatou Metua e to tatou Atua mai te mea eita ratou e farii i te faaauraa mo'a o te faaipoiporaa.

Te vai atura.

TO TATOU TAEAE E TAE MAI NEI

Ia ho'i mai te pahi ra o Limerick mai Amerika mai, i reira e tae mai ai o Rufa K. HAREDI. O oia te hoê o na Peresideni Toohitu o te Pūpū Hitu Ahuru o te Ekalesia a Iesu Mesia i te Feia Mo'a i te Mau Mahana Hopea Nei. Ua maitihia oia, e te Peresideniraa Matamua, no te haereraa mai i ō nei. O te taima matamua teie ta te Ekalesia i tono mai i te hoê taata to-roa rahi no te farereiraa e te hi'opoaraa i te ohipa evanelia e ravehia nei. Ua parauhia e, e tae mai oia i Papeete nei i te 15 no Eperera, e i muri a'e e haere ratou o Setefano, Peresideni Misioni, to'na hoa o Aiona e na tamahine tootoru, e te tahi na orometua toopiti, na nia i te hoê pahi no Tahiti nei no te haere e farerei i to te Misioni. E tipae ratou i Fakarava na mua, e e faatupuhia te hoê amuiraa i reira na te mau feia no te mau motu i fatata ra. Mai reira e tere ratou i Takaroa no te tahi amuiraa farereiraa i te mau feia no te mau motu i fatata ra. Na muri a'era e tipae ratou i Taega



no te tahi amuiraa i reira. E tere ratou mai reira â i Hikueru, e mai reira'tu i Hao. E faatia-hia na amuiraa i taua na vahi ra. Ia oti te reira, e tere ratou i Tubuai no te amuiraa i reira o na amaa tootoru ra. I to ratou ho'i-raa mai i Papeete nei e faatia-hia'i te amuiraa i reira na to Tahiti nei.

Tei ia Rufa K. HAREDI te ite-raa i te reo Maori no te mea e, na rave oia i te ohipa orometua i Niu Zelani i na matahiti e vau, e o oia te Peresideni Misioni i reira no na matahiti e maha. No reira, e oaoa to teie paeau moa-na nei no te haamaitairaa rahi e tae mai i nia iho ia tatou na ro-to i taua tere farerei-haere-raa, no te mea e, e mea papu e nehe-nehe ia tatou ia paraparau ia'na i roto i te reo Paumotu ma te auvaha ore.

Ua tamata raua e te hoê apo-setolo, o Tihoni Alabera Semita, i te haere mai i te ava'e Tiunu i mairi a'enei, area ra, no te ravea ore ra no te haere mai na Samoa mai, i ore ai raua i tae mai ai i reira. E i teie nei ua maitihia to tatou taeae, Rufa K. Haredi, no te haereraa mai e no te farereiraa i teie Misioni i teie matahiti,

Te hu

fenua Tu
nei o Mus
Berlin, m
ia Hitler
ia ia'na ia
mua ta'na
e, e tautu
nei, mai

Purut

fenua Pu
tamata no
te riri no
e faaea i
tamata no
Purutia e
e hamani

Rutia

Italia i to
Rutia i te
mauhaa t

Baret

oia hoi, e
faarahi n
ia faaotik
mea te tu
e tahoê il

E oh

ra e (alu
ra, ia am
i roto i te
api ra, m
ia ia faat
reira e of

E pu

i teie nei
raa i te n
pape aua
ro i te ma

TE MAU PARAU APÎ

Te huru no Italia. Te faaite mai nei Mussolini e, e haru ihoa oia i te fenua Tunisia, te hoê fenua no te Hau Farani i te fenua Aferika. Te na ô nei o Mussolini e, aita e faufaa ia'na te parau faaau i rotopu ia Roma e o Berlin, mai te mea eita te Purutia e haapao i te reira, e ua faaite atoa oia ia Hitler e, mai te mea te vai faufaa noa ra taua parau faaau ra, e mea tia ia ia'na ia haere e haru mai i te tahi mau faufaa na'na. E te fenua mata-mua ta'na e hinaaro nei, o Tunisia ia. Ua faaite atoa'tu Hitler ia Mussolini e, e tauturu oia ia'na e e tahoê raua i nia i te mau ohipa ta Mussolini e opua nei, mai te huru ra, te haruraa i te tahi mau fenua na Italia.

Purutia. I te mau mahana i mairi a'enei ua ino roa te mau atî Iuda i te fenua Purutia, e i teie nei mau mahana te vai noa nei â taua ino ra. Te tamata noa nei te atî Iuda i te pupuhi i te mau taata faatere hau i reira, e te riri noa nei te hau Purutia ia ratou ma te faaara ia ratou e, ia ore ratou e faaea i taua ohipa ra, e hamani ino ihoa te hau Purutia i te atî Iuda. Te tamata nei te Hau Amerika i te tauturu i te mau atî Iuda e te faaite mai nei Purutia e, mai te mea e tamata te Hau Amerika i te rave i te reira ohipa, e hamani ino roa te hau Purutia i te atî Iuda.

Rutia. Te hi'o nei te hau Rutia i te huru o te hau Purutia e te hau Italia i to raua faarahiraa i ta raua ohipa tama'i, no reira, ua faaue te hau Rutia i ta'na mau faro hamaniraa mauhaa tama'i ia faarahi i ta ratou mau mauhaa tama'i.

Baretane. I teie mau mahana nei te faaite nei Baretane i to'na huru, oia hoi, aita oia e hinaaro nei i te peapea, area ra te faanehenehe nei e te faarahi nei oia i ta'na mau mauhaa tama'i. Te tamata noa nei o Baretane ia faaotihia ta raua parau faaau e o Italia, area ra aita â oia i manuia no te mea te tupu noa nei te fifi i ropu ia raua i te mea e, ua faaite te Baretane e, e tahoê ihoa oia ia Farani.

E ohipa maere. Te vai nei te hoê tao'a fenua o tei parauhia i te i'oa ra e (aluminium), e e mea mama roa taua metalo ra e te fati ohie. Area ra, ia amuihia'tu te vea e te tahi atu â mau metalo ia'na e ia tuuhia te reira i roto i te umu no te haapaari-raa, e ia ravehia te hoê tufaa o taua metalo apî ra, mai te huru ra e, hoê initi i te meumeu, e hoê initi i te aano, e tia ia ia faatāntaahia e piti ahuru pereoo uira i nia iho i te reira e eita roa te reira e ofati i taua vahi metalo ra.

E purumu faito apî. Te tupu noa nei te mau ohipa maere, no te mea, i teie nei mahana i te fenua Initia te ravehia nei te maratete no te hamani-raa i te mau purumu. Teie to'na raveraa, e tuuhia te maratete i roto i te pape auahi e i muri iho e anoihia'i i te tâ; na te reira mau anoiraa te faari-ro i te maratete ei mea paari e te ore roa e pau i te pape ia maro oia.

Te ohipa apî a te pahi reva. Te ite nei tatou e, te imi noa nei te mau taote i te mau ravea atoa ia ora te mau ma'i o te taata. I te oire ra i Sydney, Australia, ua tupu te hota i nia iho i te hoê tamarii e ua faaite mai te taote i te raau no taua tamarii ra, oia hoi, ia afaihia oia na nia i te pahi reva. Ua faaea taua pahi reva ra i nia e piti ahuru minute i te maoro e ua tae i te 10.000 avae i te teitei. I te taime taua pahi reva i pou mai ai i raro ua maitai roa taua tamarii ra. E ere ra te reira te taime matamua no to te pahi reva raveraahia ei raau no te feia ma'i, no te mea, i te tufaa fenua Oklahoma, Amerika, ua haere te hoê taote e te hoê vahine na nia i te hoê pahi reva e na tapuhia taua vahine ra no to'na ma'i e ua ora roa oia.

Ia ore te aiû ia moe. I roto i te mau fare ma'i e te mau fare fanauraa tamarii, e mea tia roa ia tapaohia te mau tamarii ia itehia e, o vai to ratou mau metua vahine. Ua roa mai i te taote, i teie nei, te ravea apî ia na reirahia. Teie ia taua ravea ra, e tapaohia to ratou i'oa i nia i to ratou ra mau tua, e te hoê lamapa, mai te paapaa mahana te huru, e e vai noa te reira no na ava'e e ono.

E tiriti apî. Te faaitehia nei e, ua oti te hamanihia, no roto mai i te arahu fenua, te pape e te mata'i, te hoê materia apî tei parauhia e "nylon" o tei au roa to'na huru i te tiriti, Area ra ua hau a'e to'na etaeta e to'na paari i to te tiriti mau e te mana'ohia nei e, e mono oia i te tiriti mau no te hamaniraa i te totini, te piriario, te purumu ahu, te taura no te tairiraa popo, e te roâ no te hîraa i'a e te tahi atu â mau ohipa.

Faaapu honu. I teie mau pae fenua moana nei ua ite tatou e, e mea maitai te honu ia amu. Te ite atoa nei to te tahi mau pae fenua e, e maa maitai roa te reira. No reira, i te fenua Baretane, ua faataahia e ratou te hoê tufaa fenua no te faaapuraa i te honu, e i teie nei te vai nei i roto i taua faaapu ra e toru tauatini (3,000) honu.

Ua maitihia te Pope rahi apî. I te 4 no te ava'e no Mati i mairi a'enei ua faaotihia te maitiraa o te Pope rahi, no te ekalesia Katorika, no te monoraa i te Pope tei pohe a'enei, e ua tahoê te mau Cardinala i te maitiraa i te hoê o ratou, oia hoi, te Cardinala PACELLI. Ua fanaubia oia i Roma i te 2 no Mati i te matahiti 1876, e ua maitihia oia ei Pope rahi i te 63 o to'na matahiti. Ua rave oia i te i'oa ra o PIE XII no'na ra no to'na aroha e ei haamana'oraa no te Pope rahi i pohe a'enei.

Te hoo: e 5 farane i te matahiti; e 10 fr. no na matahiti e 3.

Neneihia i roto i te Piha Neneiraa a te Ekalesia a Iesu Mesia I Te Feia Mo'a i Te Mau Mahana Hopea Nei, Papeete, Tahiti.

Marcel Bonnet Gérant. Kenneth R. Stevens, Imprimeur.
Rue Dumont d'Urville, Orovini, Papeete, Tahiti.

T

I
roa i p
mau ha
oia i r
irava r
Atua r
te pato
Ioseph

Haer
muri r
e ua t
roto i
ite atu
na taat
ia'na.
paoraa
sepha,
ua faa

Ua f
taua u
na e r
Moron

I te
i taan
hia ta
Ei tau
ta'u i
ao nei
ru, e c